



11

7 保
5144
5



門 7 保 4
號 5144
卷 6-5



五代會要卷二十一

宋 王溥 撰

選事下

後唐天成三年正月十七日吏部格式司申當司先準
敕及堂帖指揮應焚毀告身勘同及墜失文書等請重
給告身仍先檢敕甲如無敕甲即取同敕甲告身勘驗
同即與出給若是本朝授官及同光元年後授官勘驗
同即與告身如是偽朝授官勘驗不虛亦與出給公憑
便同告身例處分者伏以再給文書實為難重有司考

驗務在周防當司近曾申堂請出給告身公驗旋具選人出身歷任行止牒甲庫永爲證明奉判申其所進取到選人授官敕甲或同敕甲告身勘驗既同須準前指揮出給見有敕甲者便須注出給事由年月日若不批注慮恐選人卻爲失墜告身參選刺檢敕甲文書浩大所司難爲一一考驗如是引驗同敕甲人告身出給又慮佗後卻將前來失墜告身赴選甲庫無憑應驗其同敕甲人告身欲於後面粘紙亦須使印批注仍牒報南曹以憑將來檢勘者仍全具出給告身公驗聞奏其年

五月敕先準同光二年十二月敕北京及河北諸道攝官內有御署一任簡牒分明前銜先有正官告身者便與據正官資敘依資授一任官其無正官告赤者與黃衣初任官與兩任已上簡牒分明兼有正官告赤者特與超資授一任官其無正官告赤亦只有兩任三任簡牒者與據從黃衣第二任官從各領取近罷攝任處州府文解任許非時赴選者前件攝官等當任使之際其副憂勤及開泰之期豈宜升降凡有先皇帝御署兼朕署攝簡牒每一任同一任同官赴任日依資注擬宜令

諸道州府知委餘準元敕處分

四年五月十五日敕今後應前資州縣官有出身及兩除官可依常調赴選兼有莊宗并朕御署亦準近敕赴選其一任除官未入選調若無定制難以進身宜約所守官資序高卑許令同有出身人合格年限求官赴京日仍須本道申送其解由考牒罷任年月分明別與除第二任官兩除後便準常調選人例如藉才升擢不在此限

長興元年五月敕應除授州縣官引見磨勘須召命官

三員爲保然後奏擬仍於告身內豎保官名銜據本官所通三代并出身無出身歷任告赤逐任考數若是本朝及僞朝所授者祇於將來新告身內一一收豎如告赤文書自中興以來或有失墜卽須於失處州縣投狀具三代名諱及出身歷任請公憑赴京勘會甲庫同卽重與出給如或公然拆破印縫不計與人不與人將來事並合焚毀其本人當行極典自茲凡受新命並依此例施行其見內外文武朝臣及諸司職守諸州府判官并軍州職員有曾改名所授本朝及僞署官告敕牒歷

五代會要 卷二十一
任文書亦須送納入官祇以中興已來文書敘理其見
任州縣及諸色前資官等所有歷任文書亦仰速便送
納委所司點勘無違礙則準前收豎給與公憑聽來求
事參選其秦王茂貞墨制官員並須得本道覆驗具歷
職申奏所司點勘不虛亦給與公憑將來降資授官仍
限一周年內改正其興元已西曾受僞蜀爵命緣地里
遙遠許敕到後一周年爲限仍各於本罷任處州府投
狀具三代名諱出身歷任一一分析申奏到日點勘準
前指揮如出限外縱有申送文書並不敘理兼諸道亦

不得以此身名奏薦如違罪在本判官其本人別加嚴
斷

二年正月敕吏部南曹奏前齊州臨邑縣令趙諲等十
人納到歷任文書合給公憑者其公憑仰所司以綾紙
修寫取本行尙書侍郎列署已出給者候將來赴選依
此重給其年五月六日中書奏吏部南曹狀申準敕換
給諸色官員告身公憑伏緣點檢選人歷任文書中其
間多有違礙事節若旋具姓名申覆竊恐人數繁多互
有陳論遂成壅滯當曹不敢施行者中書據南曹所申

逐件條流如後一據申選人納到今任文書多於解由及厯子內批書考第準天成四年四月二十一日敕新格已前卽許施行自新格已後多有解由厯子內批豎考數本處元不給到考牒格前特許施行甚爲優假格後更聞違越須重條流今日已前有此色選人宜且與收豎此後選人如有解由及批得厯子無考牒者殿一選有批得厯子無解由考牒選兩殿如祇有解由考牒不批得厯子殿三選如無前項三件文書並同有過停官一據申諸色選新格下後批厯子後時及五年者不

在磨勘之限今有格前罷任及新格下後罷任者格下經六年七年方批入仕厯子或有全不批厯子祇給到公憑今日已前有如此者特與磨勘施行此後纔罷任一月內須批給得解由厯子違過一月殿一選過三月不批給得者亦同有過停官一據申應諸邑承出身及童子及第例是擡年陷歲兼幼補身應名引驗之時多有差異者今日已前有此色人並須引驗辨認及召保官委是正身別無謬妄則與改正詣實年幾施行此後更有此色身名並同謬濫處分一據申河北諸色官員

納到告赤文書例稱本據元不較考祇有解由河東河北及鳳翔已西不如選格須明告諭仍令吏部南曹各寫一本解由厯子考牒解狀式樣徧下諸處此後並須文書周備如今後公然違犯並準前殿選今日已前不在此例一據申諸色前資官員告身今任入厯厯子或批到上任月日或是有名假故多無觀察使及刺史具衙押署祇有錄事參軍批署者選處長吏自此後並須依格文押署違者本人殿兩選其今日已前違程式者宜特與磨勘收豎一據申諸色官員厯官兩任至五任

文書備足內有一任至兩任失墜前任解由或考牒厯子又無公憑及稱元不給得既別有公據自此但祇認中興已來所授告身為定其已前或有厯任稱失墜如是傳授他人有人糾告其所司點勘彰露並準累行敕命科罪今日已前失墜考牒解由厯子如有公憑者亦與收豎如無公憑將來選時特降資注官自此後選人更有失墜則須卻於本處具所失因由重具批給如違準前殿選一據申選人有今任文書備足祇厯子內批到上任月日不批得替罷任月日卽別有解由或公據

文書證據分明今日已前並準前項指揮收豎此後更有此色人並同有過停官右奉敕宜依吏部南曹具此分明曉諭及徧下諸道州府應是選人各令知委如守官滿日未給得解由厯子文書隨等不得便令辭謝如逐處州府輒有邀難不便須至出給罪在本判官并錄事參軍其年九月敕應進策人等若是選人所進內一事可行與減兩選兩事減四選三事已上依資與官如無選可減及所欠選數則少可行事件則多據等第更優與恩獎其諸色舉人不在進策之限

四年二月中書門下奏諸道州府縣官甚有闕員前資官皆資考限所宜振滯以示推恩若欠一選者無選可減親公事成資考者宜優與恩命未有資考者準格施行兩選三選者減一選四選五選者減兩選六選七選者減三選八選九選者減四選十選十一選者減五選十二選者減六選千牛進馬童子齋郎挽郎宜準元和格處分逾年後竟以選人頗多喧訴相接乃追罷此敕

四年五月中書奏準長興元年二月二十一日南郊赦書準長定格應經學出身人在任日雪得冤獄許非時

參選超資法官仍賜章服今詳敕凡示冤獄者所司推鞠定罪不平迴曲作直已成案牘或經長吏慮問或是讎家訴寃重經推訊始見情實迴死爲生始名雪冤仍須元推官典招伏情罪本處檢案牘事卽給與公據便爲考牒內豎出候本官滿日便準近敕非時參選若活得一人超一資法官二人已上加章服已有章服加檢校官如在任除冤雪獄外限內徵科了絕減得一選已上或招添戶口一分已上並許酬獎如加至五品已上許奏聽敕旨如雖雪得冤獄徵科違限合殿選者亦待

殿選滿月與敘雪冤之賞或逃卻戶口亦降等敘官如本司小小刑獄未經別司縱能處斷不得援例從之應順元年閏正月中書門下奏準天成二年十二月敕節文準長定格應經學出身人一任三考許入下縣令下州錄事參軍亦入中下州錄事參軍兩任四考許入中下縣令中州錄事參軍兩任六考許入上縣令緊州錄事參軍凡爲進取皆有緣因或少年便受好官或暮齒不離卑任況孤貧舉士或年四十始得經學及第八年赴調方受一官於一任之中多不成三考再來赴選

年已蹉跎有一生不至令錄者若不改革何以發揚自此經學出身請一任兩考許入中下縣令下州錄事參軍敕其經學出身一任兩考元敕入下縣令下州錄事參軍今後更許入中下縣令中州下州錄事參軍一任三考者於人戶多處州縣注擬如於近敕條內資敘無相當者卽準格循資考入官其兩任四考者準兩任五考例入官餘準格條處分

晉天福二年四月敕今後諸州前資官州縣官等若是資考已出選門及一任除官未入選門并一考前丁憂及活得冤獄準元敕年限滿日許經中書陳狀當與檢看專理施行此外須令並依前後敕格程限赴吏部參選或有公材異績臨時賞擢不在此限其年九月吏部銓奏奉長興四年五月敕應諸州府馬步判官令於前資簿尉判司正官中選差近日不多遵守今後須於前資正官中任使若滿二周年無遺缺者與減二選仍委本州府給與公憑如欠三選已下者仍便給與文解赴選所有自前差攝官充馬步判官已二年者無選缺者亦令本州府給與公憑仍便申奏更四年後給與文解

赴選比擬初官過一周年者敕到後宜令本州府別差前正官充替清泰二年三月二十四日敕停廢前資攝正官充馬步判官其敕已封鎖不行敕清泰二年三月已前諸州府所差馬步判官有勤績者宜準元敕赴吏部參選不得於中書陳狀

二年十二月敕唐長興二年四月五日節文應州縣官纔受新命及到任一考前丁憂服闋日便與除官者此後應一考前丁憂州縣官等服闋後準格赴選不得於中書陳乞

開運三年四月吏部侍郎王易簡奏伏見禮部貢院逐年先書板榜高立省門用示舉人俾知狀樣臣欲請選人文解條例各下諸州知委南曹詳定解樣兼備錄長定格取解條例各下諸州如禮部貢院板樣書寫立在于州院門每遇選人取解之時各準條件遵行仍依板樣給解從之

周廣順元年二月吏部三銓奏去年冬南曹判成選人三百八十一人經十一月二十二日兵火散失磨勘了歷任文字或有送納文書未抄及取到南曹失墜公憑

銓司若依格例磨勘恐選人訴論今欲祇舉南曹給到失墜公憑便與施行從之其年五月中書門下奏據司勳郎中許懸申權主判吏部格式選人皆稱直去年十一月內失墜告牒雖尋舊式有例檢行竊緣官員上任日祇憑告赤簽符罷任之時卽藉解由厯子旣失官牒得以檢其敕甲若無解由難知眞僞今後請若無解由厯子考牒者候牒本道州府勘尋有何殿最候回文與陳狀官員事理同卽依牒申銓取保再給憑由從之三年五月敕應前後出選門州縣官內有十六考敘朝

散大夫階次敕令并厯任中曾升朝及兩使判官五府少尹罷任後一周年與除官曾任兩藩營田判官書記支使防禦團練判官罷任後一周年與除官並許經中書陳狀選期旣近不得依常選人例更理減選仍須批書厯子請給解由若是逃失戶口降書考第及顯有過犯必行殿降應諸色人過犯三選已上及未成資考丁憂課績無選可減者宜令自於吏部南曹投狀準格磨勘無違礙申送中書門下並與除官其州縣官恐虧損年限資序願歸選門者亦聽自便如曾任推巡軍事判

五仁會要 卷二十一
官并諸出選門官並據見任選數敘理取解由赴集依
格敕磨勘送中書門下於銓司注擬前先次除官所有
諸色尙選人今後不得妄有陳乞及不伏格敕理論功
課如違當行舉勘若特恩除授擢才委任不拘此例

選限

周顯德五年正月十日敕諸道幕府州縣起今自正月
一日後所授官並以三周年爲限閏月不在其內其每
年常調選人及諸色求任人取十一月一日已前到京
下納文解及陳乞文狀委所司依舊例磨勘注授至十

二月上旬中並了畢便令赴官限二月終已前到任若
違程本處不得放上且舊官在任如是無故違限依格
殿選其有故違程者須分明出給得所在憑由許至前
冬赴集今年赴任者不在此限其特敕除授及隨幕判
官赴任不拘日限應授官人至滿日替人未到閒宜且
令守本官主張公事依舊請俸州縣亦不得差置攝官
替下如是遭喪停任身故假滿非時缺官之時祇可差
前資正官及前有出身人承攝如逐處無正官及有出
身人卽選清彊官承攝仍依正官例支與俸錢具名聞

奏其年閏七月吏部流內銓狀申見行條件公事銓司先準格例南曹十一月末開宿判成選人後先具都數申銓銓司舉狀便榜示選人引納京諸司官使印家狀及試判紙三度榜引得齊足方至十二月上旬內定日鑱銓者銓司若候南曹十月內開宿引納家狀慮成淹滯今後纔南曹鑱宿後先榜示選人預納家狀其合保文狀使識官司使印限開曹後兩日內赴銓送納須得齊足如限內不納到家狀保狀試紙人便具姓名落下不在續納之限據納到文狀至十月二十二日已前鑱

銓先準格例鑱銓後便榜示引驗正身告赤文書三引其九日如三度引不至者便落下銓司今後鑱銓日便牒示選人至次日引驗正身及告赤文書限三日內三引畢如不到者便落下每年南曹判成選人中多有託故不赴銓引銓司準格例伺候須及三引計九日不至者方始落下今後有此色人逐引不到便據姓名落下先準格諸色人三引畢後齋使印保狀赴銓併合保後令錄重引驗合保審其才術者銓司欲三引後次日重內引驗令錄審其才術及合保如限內不至者據姓名

落下銓司引驗後本行準格敕及將銓狀歷任告赤文書限三日內點檢無違礙具姓名關報試判注擬所有選人歷任省於未注官已前寫帖送過院選人所合法注使員缺鑱銓後便具狀申中書門下乞降指揮應選人試判今欲鑱銓內預準敕於中書省請印到逐人試紙候點檢畢開報名銜齊足此日便定日試判三場逐場次日申奏後限兩日內供納宣黃次日乞降可否敕命銓司自前注擬諸色選人準格三注每一注內有不伏官者限三日內具狀通退三注共九日者銓司自今後

第一第二注榜出後各限次日內具通官文狀便具姓名落下第三注畢日開銓不在開通官之限三注共五日者準格銓司逐年二月二十五日送門下省畢三月十五日過官畢三月三十日進黃移省畢三擬畢後省甲案便於格式司逐旋覆闕入官過院修寫省歷至十月十四日已前牒送門下省畢銓司門下省押定牒到取兩日祇候取判過堂次日乞降可否堂帖其黃甲限四月內修寫句勘印署至十二月六日牒送門下省至十二月九日進黃畢所有衙謝對敷在格限內應行內

諸司公事或有干繫申銓取裁銓司便準敕格指揮如
銓司難議裁酌即申堂取裁

五代會要卷二十一 各別火日內具職官文州同具

五代會要卷二十一

宋

王

溥

撰

吏曹裁製

後唐長興二年七月吏部南曹奏前守鄆州盧縣令李
玘會兩任秘書丞一任國子毛詩博士雖前任有升朝
官今任合准格五選集敕應州縣官有曾在朝行及會
佐幕罷任後准前資朝官賓從例處分其帶省銜已上
并內供奉裏行及諸色出選門官或降授令錄者罷任
日並依出選門例處分不在更赴常調便與除官兼州

五代會要

卷二十一

縣官其閒書得十六考者准格敘加朝散階仍自此准
出選門例處分如不書得十六考雖過朝散階不在此
例

周顯德五年閏七月吏部南曹狀申所行事件畫一如
後一每年十月一日入選限判曹員外郎准例免常朝
一新起請十月一日鑠曹磨勘選至至開曹日使具判
成名銜榜示及申中書門下申銓兼牒門下省一鑠宿
內有違礙選人准久例至開曹日曉示駁放及申堂申
銓牒臺刺省課績官准敕經曹投狀不欠選限及磨勘

無違礙者申送中書門下減選諸色選人成資考了憂
及過三年已上准敕經曹投狀磨勘無違礙申中書門
下除官一每年及第舉人自於官誥院納官錢一千買
綾紙五張并標軸於當曹寫印縫縫給於官誥院卻每
人牒送朱膠錢三百到曹支備銓中及當司公使一官
誥院牒送到朱膠錢一千內抽二百文刺送到都省充
抽貫錢一每年及第舉人於省內試判二道後具判申
堂及具成狀申銓團奏請定冬集一齋郎挽郎請定冬
集者當曹試判二道後申堂及申銓請團奏一外州府

五代會要 卷二十二 二
牒到亡沒官姓名當曹便牒取官誥文書等批注亡沒
年月一准格主掌逐年選人歷任家狀一本以備他年
磨勘一出給逐年三旬選人赴任歷子各一道判曹員
外郎印署判銓侍郎通押後當曹使印繳連新舊告身
文書等當曹出給特敕除官歷子據本官納到歷任家
狀及新舊告身點檢同祇是判曹員外郎印押一鑲宿
內具判成選人細銜申銓及牒門下省當曹旬勘銓司
院寫錄團奏選人黃甲無差誤卽判曹員外郎署名及
使印背縫一磨勘三旬選人及非時投狀人等並准例

引驗正身及取有官三人保明識官可使印文狀及旬
當人狀如有疾病於成狀內收豎申送

雜處置

後唐天成三年八月中書舍人劉贊奏請令選人依舊
試判從之其年十二月敕選門官吏濫進者多自今已
後並令各錄三代家狀鄉里在朝骨肉先於南曹印署
納吏部中書門下三庫各一本候得判印狀卽許所司
給付新籤告兼本任處及鄉里亦具一本納逐處州縣
四年十月敕其諸道選人宜令三銓官員都在省子細

磨勘無違礙後卽具格同商量注擬連署申奏仍不得
准前於私第注官不分三銓注官自此始也其年十二月敕三銓公
事宜准近敕指揮仍祇使吏部尙書銓印並宜付中書
門下封送禮部權收管訖奏

長興元年三月敕其判成諸色選人黃甲下後將歷任
文書告身連粘宜令吏部南曹逐縫使印都於後面粘
紙具前後歷任文書都計多少紙數兼具年月日判成
授官去處繳尾訖給付本人慮分假于人故也其年十月中書
奏吏部流外銓諸色選人先條流試判兩節並以優考

等第申奏文優者宜超一資注擬次者依資又其次者
以同類官注擬理道全疎者以人戶少處州縣同類官
中比擬仍准元敕業文者任徵引古今不業文者但據
公理判斷可否不當罪在有司兼選人或有元通家狀
內鄉貫不實候將來赴選並令改正一一依本屬鄉縣
及有無出身一奏一除官等宜並不加選限從之其年
十一月吏部南曹關試今年及第進士李飛等七十九
人內三禮劉瑩李詵李守文明算宋延美等五人所試
判語皆同尋勘狀稱晚逼試偶拾得判草寫淨實不知

判語不合一一般者敕貢院擢科考詳所業南曹試判激
勸校官劉瑩等既不攻文合直書其事豈得相傳橐草
侮瀆公場載考情由實爲忝冒及至定期覆試果聞自
擅私歸且令所司落下其所給春關仍各追納放罪許
後放舉自此南曹凡有及第人試判之時更效此者准
例處分

二年五月敕舉選之眾例自艱辛曾因兵火之餘多無
敕甲不有詳延之路永爲遷棄之人其失墜告身者先
取本人狀當授官之日何人判銓與何人同官上任與

何人交代仍勘歷任處州縣如實卽別取命官人三人
保明施行

三年五月敕今後合格選人歷任無違礙者並仰吏部
南曹判成如文解差繆不合式樣罪在發解官吏其年
十二月二日敕准近敕應前資朝官及諸道節度觀察
判官罷任一周年後許求官其出選門官雖准格例送
名未定別與除官年限自此應除選門官等罷任後亦
宜一周年後許更除授仍令於所司投狀磨勘申送中
書門下

晉天福二年十月敕選人試判二道

三年正月敕今後選舉人文解差謬過在發解州府官吏其選人舉人亦准格處分

五年三月詔令四時聽選吏部三銓擬官旋奏不在團甲之限

漢乾祐二年八月敕今後諸色選人年及七十者宜注優散官年少未歷資考者不得任注縣令

三年七月敕吏部南曹今後及已前應有令佐招添點檢出戶口據數須本處合徵稅賦錢物數目於解由歷

子內一一開坐批書方得准天福八年三月十日敕條施行如不合前後敕例不在施行之限

周廣順元年十月敕選部公事比置三銓所有闕員選人分爲三處每至注擬之際資敘難得相當況在今年選人不多宜令三銓公事併爲一處委本司長官同其判署施行

甲庫

周顯德五年閏七月吏部甲庫奏見行公事甲庫先有專知官一人於長興二年停廢後來於令史內選差一

人承受主掌諸雜制敕及逐季抄錄關報史館所有選人受官黃甲備錄關送吏部出給告身及具名銜關牒送格式收附員闕准格出給新授令錄判司主簿籤符本官每官納朱膠錢一百二十依除內每貫二百刺送都省除外供應三銓及本司公使廢置准敕格應內外官員亡父追贈及南曹逐年駁放選人准長定格節文牒吏部選差五考已上諳事令史五人共行詳斷及州縣官名犯廟諱御名並准格例改正

制舉

周顯德四年十月詔曰制策懸科前朝盛事莫不訪賢良於側陋求讜正於箴規殿廷之間帝王親試其或大裨於國政有益於時機則必待以優恩縻之好爵拔奇取異無尚於茲得士者昌於是乎在爰從近代久廢此科懷才抱器者鬱而不伸隱耀韜光者晦而不出遂致翹翹之楚多至於棄捐皎皎之駒莫就於縻繫遺才滯用闕孰甚焉應天下諸色人中有賢良方正能直言極諫經學優深可爲師法詳閑吏理達於教化者不限前資見任職官黃衣草澤並許應詔其逐處州府依每年

貢舉人式例差官考試解送尙書吏部仍量試策論三道共三千字已上當日內取文理具優人物爽秀方將解送取來年十月集上都其登朝官亦許上表自舉

是先

兵部尙書張昭上章請設制科故有是詔

宏詞拔萃

後唐天成二年四月二日中書奏尙書禮部貢院申當司奉今月六日敕吏部流內銓狀申據白院狀申當司先准禮部貢院牒稱據成德軍解送到前進士王蟾狀請罷設深州司公參軍應宏詞舉前件人准格例應重

科合在吏部其王蟾并解送牒吏部請准例指蹤者當司隨具狀申堂奉判送吏部分析近年事例如何者伏緣近年別無事例今檢登科錄內於僞梁開平三年應宏詞登科一人前進士余渥承旨舍人李遇考官二人司勳郎中崔景員外郎張貽憲再具狀申堂奉判送吏部准例指揮其前進士王蟾請宏詞伏自近年以來無人請應今詳格例合差應考官二人又緣祇有王蟾一人請應銓司未敢奏請差官者奉中書門下牒奉敕宜令禮部貢院就五科舉人考試者伏以舉選公事皆有

格條准新定格節文宏詞拔萃准長慶二年格吏部差
考試官二人與知銓尚書侍郎同攷試聞奏又准格節
文內准太和元年十月二十三日敕應禮部諸色貢舉
人及吏部諸色科目選人凡無出身及未有官祇合於
禮部應舉有出身有官方合於吏部赴科目選其請應
宏詞舉前進士王蟾當年放及第後尋已聞過吏部訖
若應宏詞侍南曹判成卽是科選之人以理合歸吏部
況緣五科考試官祇考學業難於同考宏詞者奉敕王
蟾宜令吏部准往例差官考試

長興元年八月三日尚書吏部據禮部貢院牒稱送到
附試請應書判拔萃前虢州盧氏縣主簿張岫對六節
判四通二粗准例入第五等上其所試判今錄奏聞奉
敕宜付附所司今後吏部所應宏詞拔萃宜並權罷其
貢院據見應進士九經並五科童子外諸色科名亦宜
停罷

進士

梁開平三年四月敕賜劉斤同進士及第仍編入今年
榜內第八人其年五月敕禮部所放進士薛均是左司

五代會要 卷二十一
侍郎薛廷珪男方持省轄固合避嫌其薛均宜令所司
落下

後唐同光三年四月敕今年新及第進士符蒙正等宜
令翰林學士承旨盧質就本院覆試仍令學士使楊彥
璐監試其月敕禮部所放進士符蒙正等四人既慊羣
情實干浮議詩賦果有疵瑕若便去留慮乖激勸倘無
升降卽昧甄明況王徹體物可嘉屬詞甚妙桑維翰若
無紕繆稍有詞華其王徹升爲第一桑維翰第二符蒙
正第三成僚第四禮部侍郎裴皞放今後應禮部每年

所試舉人雜文策等候過堂日委中書門下子細詳覆
奏聞

天成二年十二月敕新及第進士有聞喜宴今後逐年
賜錢四百貫

五年正月二十三日禮部貢院奏當司准天成三年十
二月十八日敕文內准近敕自此進士試襍文後據所
習本經一一考試須帖得通三已上者卽放及第者奉
敕進士帖經本朝舊制蓋欲明先王之旨趣閱多士之
文章近代已來此道稍墜今且上從元輔下及庶僚雖

百藝者極多能明經者甚少恐此一節或滯羣才既求備以斯難庶觀光而甚廣今年凡應進士舉所試文策及格帖經或不及通三與放及第來年秋賦詞人所習一本經許令對義目多少次第仍委所司條例聞奏其今年本經內對義義目五道考試通二通三准帖經例放入策其將來秋賦諸寺監及諸州府所解送進士第亦准去年十月一日敕考其詩賦義目帖由等並解送赴省如或不依此解送當司准近敕並不引送試奉敕宜依

五年二月九日敕近年文士輕視格條就試時疎於帖經登第後恥於赴選宜絕躁求之路別開獎勸之門其進士科已及第者計選數年滿日許令就中書陳狀於都堂前各試本業詩賦判文等其中才藝灼然可取者便與除官如或事業未甚精者自許准添選

長興二年二月敕其進士並令排年齊入就試至閉門試畢內有先了者上厯時旋令先出其入策亦須書試應諸科第對策並依此例其餘唯准前敕處分清泰二年九月禮部貢院奏奉長興二年二月敕進士

引試早入晚出今請依舊例進士試雜文并點門入省
經宿就試從之

周廣順三年正月戶部侍郎權知貢舉趙上交奏進士
元試詩賦各一首帖經二十帖對義五道今欲罷帖經
對義別試雜文二首試策一道從之至其年八月刑部
侍郎權知貢舉徐台符奏請別試雜文二首外其帖經
對義亦依元格從之

顯德二年三月敕禮部貢院奏今年新及第進士李覃
嚴說何儼武允成王汾閻邱舜卿楊徽之任惟吉趙鄰
幾周度張慎微王翥馬文劉選程浩然李震等一十六
人所試詩賦文論策文等國家設貢舉之司求俊茂之
士務詢文行以中科名比聞近年以來多有濫進或以
年勞而得第或因媒勢以出身今歲所貢舉人試令看
詳果見紕繆須至去留其李覃何儼楊徽之趙鄰幾等
四人宜放及第其嚴說武允成王汾閻邱舜卿任惟吉
周度張慎微王翥馬文劉選程浩然李震等一十二人
藝學未精並宜黜落且令苦學以俟再來禮部侍郎劉
溫叟失於選士頗屬因循據其過尤宜行譴謫尙示寬

恕特與矜容劉溫叟放罪將來貢舉公事仍令所司據條理聞奏其年五月尙書禮部侍郎知貢舉竇儀奏其進士請今後省卷限納五卷已上于中須有詩賦論各有一卷餘外雜文歌篇並許同納祇不得有神道碑誌文之類其帖經對義並須實考通三已上爲合格將來卻覆畫試候考試終場其不及人以文藝優劣定爲五等取文字乖舛詞理紕繆最甚者爲第五等殿五舉其次者爲第四等殿三舉以次者稍優爲第三等第二等第一等並許次年赴舉其所殿舉數並於所試卷子上

朱書封送中書門下請行指揮及罪發解試官監官等其諸科舉人若合解不解不合解而解者監官試官爲首罪勒停見任舉送長官聞奏取裁監官試官如受賂及今後進士如有倩人述作文字應舉者許人言告送本處色役永不進仕同保人知者殿四舉不知者殿兩舉受倩者如見任官停任選人殿三選舉人殿五舉諸色人量事科罪從之

五年三月詔曰比者以近年貢舉頗是因循頻詔有司精加試練所冀去留無濫優劣昭然昨貢舉院奏今年

新及第進士等所試文書或有臧否爰命詞臣再加考覈庶涇渭之不雜免玉石之相參其劉坦單貽慶李慶徐緯張覲等詩賦稍優宜放及第王汾據其文詞未至精敏念以頌曾駁落特與成名熊若谷陳保衡皆是遠人深可嗟念亦放及第郭峻趙保雍楊丹安元度張助董咸則杜思道等未甚精者並從退落更宜修進以俟將來知貢舉右諫議大夫劉濤選人不當有失用心可責授右贊善大夫俾令省過以戒當官

先是濤于東京放榜後率先及第進士劉坦已下一十五人來赴行在且以所試詩賦進呈上以其詞多紕繆命翰林學士李昉復試故有是

命

五代會要卷二十二

五代會要卷二十二

五代會要卷二十三

宋 王 溥 撰

緣舉雜錄

梁開平元年七月勅近年舉人當秋薦之時不親試者
號爲拔解今後宜止絕四月十一日兵部尙書姚洎知
貢舉奏近代設文科選胄子所以綱維名教崇樹邦本
也今在公卿親屬將相子孫如有文行可取者請許所
在州府薦送以廣毓材之路從之

乾化元年十二月以尙書左僕射楊涉知禮部貢舉非

常例也前代自武德貞觀之後但委考功員外郎主之至開元二十五年員外郎李昂為貢士李涯所多中書舍人及諸司四品清資官惟會昌中命太常卿王起主貢舉時亦檢校僕射

後唐同光二年十月中書奏請停舉選一年勅舉選二門國朝之重事但要精確難議權停宜准常例處分

天成元年八月勅應三京諸道今年貢舉人可依常年例取解仍令隨處量事津送赴闕

三年七月四日尚書工部侍郎任贊奏今後伏請宣下諸州府所有諸色舉人不是家在遠方水陸隔越者逐

處選賓從官僚中藝學精博一人各於本貫一例分明比試如非通贍不許妄給文解勅宜令今後諸色人委逐道觀察使慎擇其詞藝及通經官員各據所業考試及格者即與給解仍具所試詩賦帖經通粗數一一申省未及格者不得徇私發解兼承前諸道舉人多於京兆府寄應例以洪固鄉貴胄里為戶一時失實事久難明自此各於本道請解具言本州縣某鄉某里為戶如或寄應須具本貫入狀不得效洪固貴胄之例文解到省後據所稱貫屬州府戶籍內如無名本人并給解處

官吏必行重責京百司給解就試准前指揮兼下貢院其本朝舊格諸色舉人每年各放幾人及第到日續更詳酌處分其年十月三日勅訪聞每年及第舉人牒送吏部關試判題雖有判語全無祇見各書未詳仍或正身不至如斯乖謬須議去除此後應關送舉人委南曹官吏准格考試如是進士并經學及第人會親筆硯其判語卽須緝構文章辨明治道如是無文章許直書其事不得祇書未詳如關試時正身不到又無請假字卽牒貢院申奏停落

四年七月中書門下奏今年及第人先曾守攝職官者宜令所司於守攝文書內豎出應舉及第年月日或改名不改名分各印押其中曾受正官御署并佐幕者仍約前任資序與除一任官如自中興已來諸科第人曾受職官並令所司追納文書及到日准今年及第人例處分已受官者不在此限兼勒貢院將來舉人納家狀內各分析曾爲官及不會爲官改名不改名其曾爲職官者先納歷任文書及第准例指揮從之其年七月勅今年應新及第人給春關並於敷政門外宣賜

慮所司邀頡故

五代會要 卷二十三 三
也其年十月一日中書門下條流貢舉人事件如後一
應諸道州府解送諸色舉人須准元勅差有才藝公正
官考試及格然後給解仍具所試詩賦義目帖由送省
如逐州府解內不豎書前件指揮事節所司不在引試
之限禮部貢院考試諸色帖經舉人今後據所業經書
對義之時逐經須將生卷與熟卷中半考試不得依往
例祇將熟卷試問一今後主司不得受內外官寮書題
薦託舉人及安排考官如或實在知有才學精博者任
具奏聞若受書題囑託致有屈人其主司與發書人並

加黜責其所舉人別行朝典三銓南曹亦不得受諸色
官員薦託選人如違並准前指揮一應諸色落第人此
後所司具所落事由別張文榜分明曉示除諸州府解
送舉人外餘有於河南府寄應及宗正寺國子監生等
亦須准上指揮其中有依託朝臣者于解內具言在某
官姓名門館考試及第後並據姓名覆試一應諸色舉
人至入試之時前照日內據所納到試紙本司印署訖
送中書門下取中書省印印過卻付所司給散逐人就
試貢院合請考官試官今後選學業精通廉慎有守者

充如在朝臣門館人不得奏請奉勅宜依

長興元年六月中書門下奏此後賓貢每年祇請放一人兼及第舉人放榜時並須據才藝高低從上依資安排不得以隻科取鼎嶽斗之名兼不得呼春官爲恩門師門不得自稱門生除賜宴外不得輒有率斂別謀歡會曾赴舉落第人不得改名將來舉人並依選人例據地里遠近於十月中納文解如違不在受納之限從之

三年正月勅今後落第舉人所司已納家狀者次年便

赴貢院就試並免再取文解兼下納文解之時不在拘三旬但十月內到者並與收納其年十二月三十日禮部貢院奏准會要長壽二年十月十日左拾遺劉承慶上疏曰伏見比年已來天下諸州府所貢物已至元日皆陳在御前唯貢人獨於朝堂列拜伏請貢人至元日列在貢物之前以備充庭之禮制曰可近年直至臨鑠院前赴應天門外朝見今後請令舉人復赴正仗仍緣今歲已晚貢士未齊欲具見到人點引牒送四方館至元日請令通事舍人一員引伸朝賀列於貢物之前或

以人數不少卽請祇取諸科解頭一人就列其餘續到者候齊日別令朝見如蒙俞允當司祇於都省點引習儀奉勅宜准元勅處分餘宜依

四年二月十六日禮部貢院奏今後試舉人日請令皇城司公幹人於省門外聽察叫呼稱屈及知貢院有伴門者引赴皇城司勘問如是的實虛妄請嚴加科斷兼今年放榜後及第人看畢便綴行五鳳樓前列行舞蹈謝恩訖赴國學謝先師然後與知貢舉官相識期集祇候勅命兼過堂及過樞密院又舊例侵晨張榜後知貢

院官及考試官已下便出請今年張榜後知貢舉官并考試官至晚出奉勅宜令勅下後於朝堂謝恩卽赴國學其試舉人日宜令御史臺差人聽其放榜日知貢舉官送出自此永爲定制及第舉人過樞密院宜不施行清泰二年九月禮部貢院奏奉長興元年勅進士五經九經明經五科童子外諸色科目並停緣由有明算道舉人今欲施行又奉長興三年正月勅每落第舉人免取文解今後欲依元勅格請並再取解十月十五日到省畢違限不收又奉天成四年勅諸色舉人入試前五

日納試紙用中書印印訖付貢院司緣五科所試場數極多旋印紙鑰宿內中書往來不便請祇用當司印從之

三禮 三傳附 ○原闕

開元禮 ○原闕

明經 ○原闕

童子

晉天福五年四月禮部侍郎張允奏童子一科伏請停廢從之

開運元年八月復童子科

周廣順三年正月戶部侍郎權知貢舉趙上交奏童子凡念書二十四道今欲添念書通前五十道念及三十道者放及第從之

顯德二年五月禮部侍郎知貢舉竇儀奏其童子科請依晉天福五年敕停罷任改就別科赴舉從之

明法

後唐長興二年七月一日勅其明法科今後宜與開元禮科同其選數兼赴舉之時委貢院別奏請會諸法試

官依格例考試

晉天福六年五月十五日勅明法一科今後宜令五選
集合格注官日優與處分

周廣順三年正月戶部侍郎權知貢舉趙上交奏明法
元帖律令各十五帖對義二十道今欲罷帖律令試墨
義六十道從之至其年八月刑部侍郎權知貢舉徐台
符奏卻准元格帖律令各十五帖對墨義二十道從之

科目雜錄

後唐同光四年正月五科舉人許維嶽等一百人進狀

伏見新定格文三禮三傳每科止放兩人方今三傳一
科五十餘人三禮三十餘人三史學究一十人若每年
祇放兩人及一人逐年又添初舉伏見咸通長慶年放
舉人元無定式又同光元年春榜亦是一十三人請依
元年例放人勅從之

天成二年正月二十七日尙書禮部貢院奏五經考試
官先在吏部日長定格合請兩員數屬貢院准新定格
文祇令奏請一員兼充考試伏緣今年科目人數轉多
卻欲依舊請考試官各一員如蒙允許續具所請官名

銜申奏奉勅宜依

三年二月十日禮部貢院奏當司據鄉貢九經劉英甫經中書陳狀請對經義九十道以代舊格帖經奉堂判令詳狀處分者當司伏准格文九經祇帖九經書各一十帖并對春秋禮記口義各一十道今准往例並不曾有應排科講義九經若便據送到引試排科講義卽恐有違格例者奉勅劉英甫請以講義便代帖經既能鼓篋而來必有撞鐘之應宜令禮部貢院考試其年七月十三日勅應將來三傳三禮三史開元禮學究等考試

本業畢後引試對策時宜令主司於時務中採取要當策題精加考校不必拘於對屬須有文章但能詞理周通文字典切卽放及第如不及此格雖本業粗通亦須黜落應九經五經明經帖書文格後引試對義時宜令主司於大義汎出經問義五道於簾下書試祇令隔簾解說但不失註疏義理通二通三然後便令念疏如是熟卷並須全通仍無失錯如得入簾亦須於時務中選策題精加考校如粗於筆硯留意者則任以四六對仍須理有指歸言關體要如不會於筆硯致功卽許直書

其事申明利害不得錯使文字其義問念疏對策逐件須有去留

長興四年二月十六日禮部貢院奏新立條件如後一
九經五經明經呈帖由之時試官書通不後有不及格
者喝落後請置筆硯將所納帖由分明卻令自閱或是
試官錯書通不當行改正如懷疑者便許請本經當面
檢對如實是錯卽便于帖由上書名而退一五科常年
駁榜出多稱屈塞今年並明書所對經書墨義云第幾
道不第幾道麤第幾道通任將本經書疏照證如考試

官去留不當許將狀陳訴再加考校如合黜落妄有披
述當行嚴斷一今年舉人有抱屈落第者許將狀披訴
於貢院官當與重試如貢院不理卽詣御史臺論訴請
自試舉人日令御史臺差人受舉人訴屈文狀并引本
身勘問所論事件或知貢舉之官及考試之官已下敢
有受貨賂升擢親朋屈抑藝能陰從請託及不依格去
留者一事有違請行朝典一懷挾書策舊例禁止請自
今後入省門搜得文書者不計多少准例扶出殿將來
兩舉一遙口受人迴換試處及鈔義題帖書時諸般相

救准例扶出請殿將來三舉一藝業未精准格落下恥見同人妄扇屈聲擬爲將來基址及他人帖對過場數多者便生誣玷或羅織毆罵者並當收禁牒送御史臺請賜勘鞫如知貢舉官及考試官事涉私徇屈塞藝士請行朝典若虛妄者請嚴行科斷牒送本道重處色役仍永不得入舉場同保人亦請連坐各殿三舉奉勅宜依

周廣順二年二月禮部侍郎趙上交奏貢院諸科今欲不試汎義其口義五十道改試墨義共十道處分從之

三年正月戶部侍郎權知貢舉趙上交奏九經舉人元帖經一百二十道墨義二十道今欲罷帖經於諸經墨義對一百五十道五經元帖經八十帖墨義二十道今欲罷帖經令對墨義一百道學究元念書二十道對義五十道從之至其年八月刑部侍郎權知貢舉徐台符又奏九經請都對墨義六十道其帖經對策依元格五經亦請對墨義六十道帖經對策依元格從之

五代會要卷二十三

謝良寶奉詔上奏奏八

五代會要卷二十四

宋 王 溥

王 溥

溥

撰

樞密使

梁開平元年五月改樞密院為崇政院

始命敬翔為院使仍置判官一人

人自後不置判官置副使一人

二年十一月置崇政院直學士二員選有政術文學者

為之

始以尚書吏部郎中吳藹尚書兵部郎中李珽充選其後又改為直崇政院

後唐同光元年十月崇政院依舊為樞密院

命宰臣郭崇韜兼樞

密使亦置院使一人

五代會要

卷二十三

一

晉天福四年四月以樞密副使張從恩為宣徽使權廢

樞密院故也先是上以宰臣桑維翰兼樞密使懇求免職祇在中書遂以宣徽使劉處讓代之每

有奏議多不稱旨及處讓丁內憂乃以樞密院印付中書門下故有是釐革

開運元年六月依舊置樞密院其見在中書元係樞密

院職司人吏各勒仍舊應合行公事委本院奏取指揮

以宰臣桑維翰兼樞密院使從中書門下奏請也

周顯德六年六月命司徒平章事范質禮部尚書平章

事王溥並參知樞密院事

建昌宮使

梁開平元年四月置建昌院以博王友文判院事以太祖神

武元聖孝皇帝在藩時四鎮所管兵車稅賦其年五月

諸色課利按舊簿籍而施行仍置院以領之中書門下奏請以判建昌院事為建昌宮使仍以東京

龍宅為宮

二年三月以侍中韓建判建昌宮事至十月以尚書兵

部侍郎李皎為建昌宮副使

三年九月以門下侍郎平章事薛貽矩判建昌宮事至

四年十二月以李振為建昌宮副使

乾化二年五月以門下侍郎平章事于兢判建昌宮事

其年六月廢建昌宮以河南尹魏王張宗奭爲國計使

凡天下金穀兵戎舊隸建昌宮者悉主之至後唐同光四年二月以吏部尙

書李琪爲國計使

按實錄自後廢其名額不置

後唐同光二年正月勅鹽鐵度支戶部三司凡關錢物委租庸使管轄其年三月左諫議大夫竇專上疏曰臣伏見天下諸色錢穀比屬戶部度支金部倉部各有郎中員外支計分劈自後以租賦殷繁添置司之額自唐天寶中安史作亂民戶流亡征賦不時經費多闕惟江淮嶺表郡縣完全總三司貨財發一使征賦在處勘覆

目曰租庸纔收京城尋廢職務廣明中黃巢充斥僖宗省方依前以江淮征賦又置租庸使催征及至車輅還京旋亦停廢僞梁不知故事將四鎮節制征輸置宮使名目管係旣廢宮後改置租庸雜以措斂相兼加之出放生利況戶口什一之稅是太平之日規繩租庸總三司追科因喪亂之時制置在京無此名目乃是出使權宜若要委一官之能何妨總三司合判伏請勅郡縣重集戶口計定租稅令鹽鐵卻歸三司收其征賦務使仍舊會計到京且便上供何須直進旣戶口不失則增賦

倍多致海內有久遠之安示天下為一家之治事雖不行然有

識者甚

天成元年四月勅停廢租庸院名額依舊為鹽鐵戶部度支三司委宰臣一人專判仍廢租庸院大程官及放豬羊柴炭戶其括田竿尺一依偽梁制度仍委節度使通申三司不得更差使檢括州使公廩錢先被租庸管係者一切卻還州府

長興元年八月勅會計之司國朝重務總其使額以委近臣貴便一時寧循往例張延朗可充三司使班位在

宣徽使之下

唐朝以戶部度支掌泉貨鹽鐵則特置使名戶部度支則尚書省本司侍郎郎中判

其事天寶中楊慎矜王鉷楊國忠雖承恩顧各守本官別帶使額下及劉晏第五琦亦如舊制自後又以宰臣各判一司不帶使額乾符之後天下兵興隨置租庸使以掌調發兵罷則停偽梁不閑典故乃置租庸使總天下征賦莊宗亦踵其事暨今上登位削去使名命重臣一人專判曰判三司至是延朗自許州入掌國計自於樞密使請置三司使宣下中書門下宰臣以非故事擬授延朗充諸道鹽鐵轉運使令兼判戶部度支上不從故特降是命三司置使名自延朗始也

四年正月三司使奏當省有諸道鹽鐵轉運使額職員極多見有左右都押衙及客司通引今欲從正押衙設省職為轉遷之序正押衙同押衙衙前兵馬使討擊副

使衙前虞候衙前子弟者勅衙前兵馬使已下名目皆是軍職不合係於省司其正押衙同押衙衙前虞候衙前子弟宜依

宣徽使

梁開平元年五月宣旨下徽院收管供奉官殿前受旨官宣左右內直等

後唐清泰元年七月殿直都知趙處愿承旨都知蔣德鄰謝恩令具襴笏

晉天福六年七月勅宣徽院供奉官殿直人數不少今

後諸道行軍副使不得奏請宣補骨肉

皇城使

梁開平三年七月勅內皇城諸門宜各差控鶴官兩人守把其諸司使并諸司諸色人並勒于左右銀臺門外下馬不得將帶人入門逐日諸道進奉客省使于千秋門外排當訖勒控鶴官擡至內門前合董門殿直已下昇進其章善門仍令扃鎖不用逐日擅自開閉
乾化元年五月詔曰闈是正門也宜以時開閉用達陽氣委皇城使准例檢校啟門車駕出則闔扉

元帥

後唐長興四年八月以秦王從榮為天下兵馬大元帥其年九月中書門下奏秦王加天下兵馬大元帥自歷朝以來無天下兵馬大元帥公事儀注或專一面之權或總諸道之司其儀注規程公事條目載詳故實未見明文臣等謹沿近事伏見招討使總管兼受副使已下橐鞬庭禮今望令諸道節度使已下凡帶兵權者見元帥階下具軍禮參見皆申公狀其帶使相者初相見亦以軍禮一度已後客禮相見應天下諸軍務公事元帥

府行帖指揮其判六軍諸衛事則行公牒往來其元帥府所置官屬補授軍職則委元帥奏請從之

諸道節度使軍額

滑州 唐光啟二年四月改為宣義軍節度許州 梁開平二年改為後唐同光元年十月復為義成軍 許州 梁開平二年改為國軍後唐同光元年十月復為忠武軍 陝州 梁開平二年改為鎮國軍 為保 邢州 梁開平二年六月建為保義軍節度割洛惠義軍 邢州 梁開平二年六月建為保義軍節度割安國軍 宋州 梁開平三年五月升為宣武軍節度割毫輝鄧州 梁開平三年五月升為宣化軍節度割泌隨復郢四州 隸之與襄州分江心為界至後唐同光元年改為威勝軍周廣順二年三月晉州 梁開平四年四月升為定昌改為武勝軍避諱也

後唐同光元年改爲建雄軍
 光元華州初爲威化軍至後唐同光元年改爲順化軍節
 爲橫海軍華州國軍至周顯德元年八月降爲刺史直
 京耀州梁貞明元年十二月改爲順義軍升爲靜勝軍節
 降爲團練州至周顯德元年改爲順義軍至二年三月
 二年降爲刺史直屬京潞州梁龍德三年改爲匡義軍
 後唐同光元年復舊名昭義軍至安州後唐同光元年改
 長興元年三月復舊名昭義軍至安州後唐同光元年改
 晉天福五年七月復舊名昭義軍至安州後唐同光元年改
 李金全叛命故也至漢天福十二年六月復爲安懷軍
 節度至周顯德元年新州後唐同光二年七月復爲安懷軍
 十月又降爲防禦州新州後唐同光二年七月復爲安懷軍
 之應州後唐天成元年七月復舊名昭義軍至安州後唐同
 七月復爲大同軍陳州晉開運二年十月升爲鎮安軍
 節度以應州隸之陳州晉開運二年十月升爲鎮安軍

爲刺史周廣順元年正月升爲防禦州二曹州晉開運
 年七月復升爲鎮安軍節度以漢天福二年六月降爲刺史
 月升爲威信軍節度至漢天福十二年六月降爲刺史
 至周廣順二年七月復升爲彰信軍節度以單州隸之
 襄州晉天福七年降爲晉開運元年十二月降爲防禦州
 二年六月復舊州以安從進叛命初平故也至漢天福十
 爲山南東道使青州與登萊淄三州並屬京以楊光遠
 叛命初平故也至漢天福十二年二月降爲防禦州
 年六月復舊州以安從進叛命初平故也至漢天福十二
 度以博冀二州隸之至周顯德元年三月魏
 德元相州建節尋軍亂以地歸後唐莊宗卻爲屬郡
 乃割相州晉天福三年十一月復升爲彰德軍節度以
 隸魏州至晉天福三年十一月復升爲彰德軍節度以
 澶衛二兗州以慕容彥超叛命初平故也
 州隸之兗州以慕容彥超叛命初平故也
 年十一月升爲防禦州
 至九年八月初升爲節度號鎮寧軍以濮州隸之鎮州

晉天福七年正月改為順國軍節度改常山為恆山郡
 應軍額館驛帶常山名者並改為恆山以安重榮叛命
 初平故也至漢天福十二年升為靜塞
 年八月卻並復為成德軍府州安軍節度至乾祐三年
 四月降為團練州至周顯代州周顯德元年初歸降故也
 德元五年復舊軍額顯代州周顯德元年初歸降故也
 汾州周顯德元年初歸降故也夔州後唐天福二年七月
 度楚州後唐天福三年閏八月為忠正軍節度
 閩州後唐天福四年十月為昭信軍節度八月洮
 州後唐長興四年十一月為溫州晉天福四年五月升為靜
 奏月升為保順軍節度溫州晉天福四年五月升為靜
 也金州晉天福四年五月升為懷德軍節度湖州周顯
 年二月升為宣德軍節度復降為防禦州度湖州周顯
 度從兩浙錢宏俶奏也

雜錄

後唐天成元年十一月勅雄武軍節度使官銜內宜兼押蕃落使

二年七月勅頃因本朝親王遙領方鎮其在鎮者遂云

副大使知節度事但年代已深相沿未改今天下侯伯

並正節旄惟東西兩川未落副大使字宜令今後祇言

節度使

親王遙領節度使

後唐清泰元年六月以皇子重美遙領成德軍節度鎮

冀深趙等州觀察處置北面水陸轉運制置等使兼河南尹判六軍諸衛事

晉天福八年二月以皇弟重睿為開封尹充管內河堤

使時重睿以年幼未出閣命左散騎常侍邊蔚權知府事逐月支錢七十千米麪兼千人馬十駟草粟別支公用米二十石麥五十石羊二千口每年麪三千斤錢四百千

開運二年五月又遙領雄武軍節度秦階成等州觀察處置押蕃落管內營田制置等使至三年正月改領忠武軍節度許蔡申等州觀察處置使

三年三月以皇子延煦遙領鎮寧軍節度澶相等州觀

察處置管內河堤等使至其年十一月改領保義軍節度陝虢等州觀察處置等使

漢乾祐元年六月以皇弟勛領山南西道節度管內觀察處置等使興元尹

宰相遙領節度使

後唐同光元年十月以侍中監修國史郭崇韜兼領成德軍節度鎮冀深趙等州觀察處置等使真定尹都護府

後唐長興三年四月中書門下奏據十道圖有大都護

除單于北庭等府久不置外今具員內節度使中見有兩員外守安北都護安東都護今請祇以四大都護為定額仍以安東大都護為首奉勅宜依其安南大都護安西大都護安北大都護次之

軍

梁開平元年十二月於輝州碭山縣置崇德軍太祖榆社元在

碭山置使以領之始命朱彥讓為軍使

晉天福四年五月改舊威州為清遠軍

六年八月改澶州頓邱鎮為德清軍鎮使為軍使其年

九月以新修胡梁渡為大通軍初置浮橋故也

七年四月降雄州為昌化軍警州為威肅軍其軍使委

命本道差補

周顯德元年十月以萊蕪監為廣利軍從前監使張崇

謙奏請也至六年十一月復廢為萊蕪治

二年三月以李晏口為靜安軍李晏口當契丹入寇之路築城屯軍為邊防人

甚賴其年六月廢景州為定遠軍所管東光弓高兩縣

隸滄州安陵縣隸德州其年七月廢環州為通遠軍

三年五月以渦口鎮為鎮淮軍

五年六月以鄂州漢陽縣為漢陽軍

時初平淮南之地以江為界

六年十一月以鳳州固鎮為雄勝軍

諸使雜錄 奏薦附

梁朝諸司使名崇政院使租庸使宣徽院使客省使天驥使飛龍使莊宅使大和庫使豐德庫使儀鸞使乾文院使文思院使五坊使如京使尚食使司膳使洛苑使教坊使東上閣門使西上閣門使內園栽接使弓箭庫使大內皇城使武備庫使引進使左藏庫使西京大內皇城使閑廐使宮苑使翰林使

梁開平元年五月改御食使為司膳使小馬坊使為天

驥使文思院使為乾文院使同和院使為儀鸞使 至三

一月乾文院卻置使其年九月勅近年文武諸道奉使皆分外停

留今後兩浙福建廣州安南邕容等道使到發許住一

月湖南洪鄂黔桂許住二十日荆襄同雍鎮定青滄許

住十日其餘近輔歇泊三五日如是往來道路據里數

日行兩驛如遇疾患及江河阻隔委所在長吏具事由

聞奏仍仰御史臺覺察

三年十月置左右軍巡使

以段明遠為左軍巡使鄧成為右軍巡使時以遷都之始

凡吾河南尹侍衛諸軍雖合差人巡警京都往往濫發分曹異職多擾於民乃置左軍巡管水北右軍巡管水南各置巡院罷諸軍巡檢人員仍令判六軍諸衛張宗奭都管轄

乾化元年十二月以大理卿王鄩為安南送旌節官告

使舊制巡撫黜陟冊命賑卹弔贈入番等使選朝臣為之其宣慰加官送旌節即以中官為之今以三品送

旌節新例也

後唐同光二年二月中書門下奏今後大鎮節度使管三州已上者每年許奏管內官三人管三州已下者許奏管內官二人仍須是考績尤異如止於徵科及限檢損無瑕祇得書考不得奏薦其防禦使每年許奏一人

刺史無奏薦之例更有將前資官請他處除授者謂之橫薦亦宜止絕如有違越中書不在施行之限從之其年三月中書門下奏儀仗法物使李肅是偽梁置此使額便令主持又無考限況主持法物各有本司請准舊停廢從之

天成元年九月以尚書都官郎中庾傳美為三川搜訪

圖籍使其月北京奏准宣命于係省賣麴錢上每貫割

留二百充本府公使初朱守殷為河南尹官兼平章事與宰執貴要交歡屢有宴會及告

安重海以司府無利潤支費遂議割麴錢奏從之諸府因以為例

二年三月二十一日勅諸道州府所有專差人持禮往來皆具申奏況列藩交聘諸侯結歡乃自古之通規亦明朝之舊事近日皆宣章奏稟命朝廷旣旌敦好之風兼表睦隣之好且道非越境何勞上聞宜令徧降勅命指揮諸道州府自今後應是諸道差人持禮來去並令不要申奏

四年五月勅今後諸州諸使凡於廨署並須專切增修不得信任摧毀凡所置辦亦令勒具年月編於帳籍受代之際分明交領不得因此接便擾人其年六月勅諸

州侯伯所請賓從及主事元隨並令奏其名姓或參佐道虧各令加罪其年七月勅諸道州府不得奏薦將校職員乞行恩命如顯有功效卽列奏以聞
長興元年五月勅今後凡有除移准宣詔遣差外其餘須候人到彼點檢交割軍州公事了日卽可發離本處仍令逐道觀察使散管內諸州准此

二年五月勅今後應內外臣僚不計在朝出使並不得輒發書題妄行請託於諸處安排公人宜令三司及諸道州府節使防禦團練使刺史等或有人不畏條勅猶

躡舊踪者並仰立具姓名聞奏發薦者貶所任府官求
薦者配於邊遠州縣常知所在如逐處長吏自徇人情
顯違勅命祇被替本人詣闕上訴勘問不虛長吏罰兩
月俸發薦人比前例更加一等被替人卻令依舊仍從
再句當後三年內除別顯有罪名外不得妄有替移其
長興二年五月一日已前所犯不在上訴之限兼勅到
後但是州府並於鋪驛及顯要處粉壁具錄勅命曉諭
常令申舉永使聞知況蒙國爵待人惟賢是舉稍聞俊
又必命獎升其有端士正人雄文大學言可以經綸王

道行可以規矩人倫但當顯陳表章明具論薦名始得
正功不棄材所期絕彼倖人豈可滯諸賢者其年七月
勅諸道奏薦州縣官各定員數今宜增益以廣搜揚帶
使相節度使每年許薦三人今加至五人不帶使相節
度使許薦二人今許薦二人直屬京防禦團練使許薦
一人今加薦至二人即不得薦新罷任及過格之人如
未曾有官者當別比擬

清泰元年八月勅凡關差使須示均平今後文武百官
充使者宜令依輪差中書置簿不得重疊其內降宣諭
不拘此例

若當使自緣有事或不欲行注簿便當一使長興三年正月後已會奉使者便著爲簿首已後差使次第注之晉天福二年二月勅今後中外臣寮或因差使出入不得薦囑人于藩鎮希求事任如有犯者准長興二年勅條處分其月勅諸道馬步都虞候今後朝廷更不差補委逐州府于衙前大將中選久歷事任曉會刑獄者充仍以三年爲限不得於元隨職員中差補其今日已前見在任者如無罪犯宜令終其月限候將來得替仰本道于衙前收管不得赴闕

五年四月勅承旨者承時君之旨非近侍重臣無以稟命是以大朝會則以宰臣承旨草詔書則以學士承旨若無區別何表等威除翰林學士承旨外殿前承旨改爲殿直樞密院承旨改爲承宣御史臺三司閤門各省承旨並令別定其名其年七月二日勅應內外諸使諸司及諸州府凡有諸色公道事須具奏聞今後不得白狀及劄子記事申覆如事關機密卽准元降宣命實封斜角不題事目通下其合申中書及中書勘會公事所申狀亦須是本司及逐處官員印署不得將白狀及記

事劄子兼令司局抄劄子申宜令御史臺及宣徽院三
司侍衛司諸道州府准此

漢乾祐三年五月勅諸防禦團練州申奏公事除朝廷
以軍期應副則不及聞於廉使如尋常公事不得自專
須先申本管斟酌以聞今後州府不得違越其月勅諸
道州府宜差散從官大府五百人下州二百人宜量戶
口多少差團集本處管係立節級點檢教習警備州城
至周廣順元年三月勅其諸道州府所差散從官親事
官並放歸農自去年四月已前州縣元管係人數一切

仍舊其遞鋪如已前招召到者且仰仍舊今後更不得

招召其諸處場院並不得影庇兩稅人戶所有河北諸

州府及澤潞晉絳慈隰解等州於先差散從親事官內

選弓箭手祇且留住本州管係其餘放差

先是漢隱帝命諸州于百

姓內差散從官親事官又差力及人戶充遞鋪又下其

三司諸場務召人戶替占役兵皆不便于民故放之

年七月勅應諸道州府鎮務祇差補鎮符一員都虞候

一員餘並除廢

因尚書都官郎中曹謙吉上章故降是勅

周廣順元年五月勅今後諸州府不得奏薦無前資及

無官并無出身人如有奇才異行亦許具名以聞便可

隨表赴闕當令有司考試朕當親覽

顯德五年四月六日勅應諸道州府進奏逐月合請俸料及紙筆等錢宜令今後于本州公使錢內支給不得分配人戶及州縣門戶如本州公使錢少不便支給處祇不要置進奏官仰於衙前差有名糧職員充進奏聞院副知仍二周年替罷本州優與安排

五代會要卷二十四

五代會要卷二十五

宋

王

溥

撰

幕府

後唐同光二年八月八日中書門下奏諸道除節度副使及兩使判官除授外其餘職員并軍事判官伏以翹車著詠芟帛垂文式重弓旌以光樽俎由是副知己之薦成接士之榮必當備悉行藏習知才行允奉幕中之畫以稱席上之珍爰自僞梁頗乖斯義皆從除授以佐藩宣因緣多事之秋慮爽得人之選將期推擇式示更

五代會要 卷二十五
張今後諸道除節度副使兩使判官除授外其餘職員并諸州軍事判官等並任本道本州各當辟舉其軍事判官仍不在奏官之限

天成元年八月十一日敕諸道開置幕府皆有舊規奏薦官僚亦著前式苟或隳紊難正澆訛從前諸道奏請判官若遇移鎮便合隨去若無除授亦隨府罷近年流例有異從來使府雖遇除移判官元守舊職今後若朝廷除授者卽不係使府除移如是自請充職者便須隨去如遇府罷其職亦罷又往例藩鎮帶平章事奏請判

官殿中已上許奏緋中丞已上許奏紫今不帶平章事亦許同帶平章事例處分如是防禦團練使奏請判官自員外郎已下不在奏緋之限其所奏判官州縣官並須將前任告赤隨奏到京若是未曾有官須假試銜者亦隨奏狀內言並未有官如是節度觀察留後及權知軍州事並不在奏請判官之限如刺史要奏州縣官並須申本道請發表章不在自奏之限今日諸道奏請從事本無官署妄結虛銜不計職位高卑多是請兼朱紫不惟紊亂實啟僥求深蠹彝章須行釐革宜令諸道州

府仍下管內諸州準敕命處分
四年六月敕諸道節度行軍司馬名位雖高或帥臣不
在其軍州事節度副使權知

長興元年五月十六日敕去年相次有諸道前資掌書
記已下賓從到京求官人數極多或自述行止或得替
節度使論薦兼有已於郊天行事者即日朝班中無員
闕安排前件官等皆隨府罷職相次到京當奏辟之時
慎選盡由門館及替閑之後安排須告朝廷若不特議
區分卽恐久令淹滯宜令于諸道掌書記已下據有員

兩處各除授一員仍自此凡是朝官及諸州府判官得
替一周年後得求官擢才特敕不在此限其年十二月
十九日太常丞孔知邵奏諸道行軍副使兩使判官及
防禦團練軍事判官並請依考限欲滿一月前本處聞
奏朝廷除替從之兼上佐令錄判司主簿亦準此指揮
或有丁憂及不赴任因事停官身死並具月日申奏如
不依指揮罪本處判官

二年二月中書門下奏準天成四年六月二十日敕使
準舊例以三年爲限其少尹上佐官以二十五月爲限

府縣官準長定格以三十月爲限其行軍副使兩使判官已下賓僚及防禦團練副使判官推官軍事判官並宜以三十箇月爲限如是隨府不在此限其年十一月敕今後兩使判官罷任後一年外與比擬書記支使防禦團練判官等二年外推巡防禦團練推官軍事判官等並三年與比擬仍每遇除授量與改轉官資或階勳職次若文學智術超羣軼倫者不拘年月之限才器卑陋階緣得事者卽於州縣官中比擬若州縣官中有文學雄奧識畧優深者亦於班行諸道判官中比擬任使

清泰二年七月中書門下奏自今年三月後諸州刺史奏軍判官九人行之有礙新敕慮在外未知敕軍判官宜令本州刺史自選擇舉奏初且除本職未得與官或與刺史連任相隨顯有勞能許本州刺史以聞量事獎擢仍不得枉有論薦其三月後九人且與施行

晉天福二年二月敕前任諸道行軍副使等今後替罷一年後方得赴闕其先替在京者宜令中書門下據見有關員除授仍敕諸道知

四年七月敕今後防禦團練刺史所奏從事無官名者

不在申薦

漢乾祐元年正月敕其諸道行軍副使兩使判官今後不得行奏薦委中書門下選帶使相節度使許奏節度掌書記觀察支使節度推官不帶使相節度使只許奏節度掌書記節度推官其防禦團練判官軍事判官等聽奏仍須精擇才能其奏薦州縣官帶使相許薦三人不帶使相許薦二人防禦團練刺史許薦一人仍舉唐朝晉朝敕永爲規制

周廣順元年三月敕副留守節度副使行軍司馬兩京

少尹留守判官兩使判官共許差定當直人力不得過十五人諸府少尹掌書記支使防禦團練副使不得過一十人節度推官防禦團練軍事判官不得過七人並取本廳舊當直人力充若數少不及新定數目祇仰舊人數差定仍令逐處係帳收管此外如不遵條制額外占差人戶本官當行朝典

顯德二年六月詔兩京諸道州府留守判官兩使判官少尹防禦團練軍事判官今後並不得奏薦如隨郡已歷前件官職任者不在此限其防禦團練刺史州各置

推官一員

租稅

後唐同光三年二月敕魏府小菜豆稅每畝減放三升
城內店宅園囿比來無稅頃因僞命遂有配徵後來以
所徵物色添助軍裝衣賜將令通濟宜示矜蠲今據緊
慢去處於見輸稅絲上每兩作三等酌量納錢貴與充
本迴圖收市軍裝衣賜其絲仍與除放其年閏十二月
吏部尚書李琪上疏曰臣聞古人有言穀者人之司命
地者穀之所生人者君之所理有其穀則國力備定其

地則人食足察其人則徭役均知此三者爲國之急務
也軒黃已前不可詳記自堯堙洪水禹作司空于是辨
九等之田收什一之稅其時戶口一千三百餘萬定墾
田約九百二十萬頃最爲太平之盛及殷革夏命重立
田制每私田十畝種公田一畝水旱同之亦什一之義
也洎周室立井田之法大約百里之國提封萬井出車
千乘戎馬四千匹畿內兵車萬乘馬四萬匹以田法論
之亦什一之制也故當成康之世比堯舜之朝戶口更
增二十餘萬非他術也蓋三代之前皆量入以爲出計

農以爲軍雖逢水旱之災而有凶荒之備降及秦漢重稅工商急關市之征倍舟車之算人口旣以減耗古制猶復兼行按此時戶口尙有千二百餘萬墾田亦八百餘萬頃至乎三國並興兩晉之後則農夫少於軍眾戰馬多於耕牛供軍須奪於農糧秣馬必侵于牛草于是天下戶口止有二百四十餘萬洎隋文之代與漢比崇及煬帝之年又三分去二唐太宗文皇帝以四夷初定百姓未豐延訪羣臣各陳所見唯魏徵獨勸文皇帝力行王道由是輕徭薄賦不奪農時進賢良悅忠直天下

斗粟值兩錢自貞觀至於開元將及九百萬戶五千三百萬口墾田一千四百萬頃比之近古又多增加是知救人瘼者以重斂爲病源料兵食者以惠農爲軍政仲尼云百姓足君孰與不足臣之此言是魏徵所以勸文皇也伏惟深留宸鑒如以六軍方闕未可輕徭兩稅之餘猶須重斂則但不以折納爲事一切以本色輸官又不以紐括爲名止以正稅加納天下幸甚敕本朝徵科唯配有兩稅至于折納所不施爲宜依李琪所論應逐稅合納錢物斛斗鹽錢等宜令租庸使指揮並準元徵

本色輸納不得改更若合有移改即須具事由聞奏
天成元年四月赦節文應納夏秋稅子先有省耗每斗
一升今後止納正稅數不量省耗

四年五月五日戶部奏三京鄴都諸道州府逐年所徵
夏秋稅租兼鹽麩折徵諸般錢穀等起徵條流如後四
十七處節候常早大小麥麩麥豌豆五月十五日起徵
八月一日納足正稅匹帛錢鞋地頭權麩蠶鹽及諸色
折科六月五日起徵至八月二十日納足河南府華州
耀陝絳鄭孟懷陳齊棣延兗沂徐宿汝申安滑漢澶襄

均房雍許邢洛磁庸隨郢蔡同鄆魏汴潁復鄜宋毫蒲

等州二十三處節候差晚隨本處與立兩等期限二十處

州郡一十六處節候較晚大小麥麩麥豌豆六月一日

未見起徵至八月十五日納足正稅匹帛錢鞋地頭權麩蠶

鹽及諸色折科六月十一日起徵至八月二十五日納

足幽定鎮滄晉隰慈密青鄧淄萊邠寧慶衍七處節候

尤晚大小麥麩麥豌豆六月十日起徵至九月納足正

稅匹帛錢鞋權麩錢等六月二十日起徵至九月納足

并潞澤應威塞軍大同軍振武軍其月敕百姓今年夏

苗委人戶自通供手狀具頃畝多少五家爲保委無隱漏攢連狀本州具狀送省州縣不得迭差人檢括如人戶隱欺許令陳告其田倍令并徵

長興二年六月敕委諸道觀察使屬縣于每村定有力人戶充村長與村人議有力人戶出剩田苗補貧下不追頃苗者肯者卽具狀徵收有詞者卽排段檢括自今年起爲定額有經災沴及逐年遭處不在此限三年十二月三司奏請諸道上供稅物充兵士衣賜不足其天下所納斛斗及錢除支贍外請依時折納綾羅

絹帛從之

晉天福四年正月敕應諸道節度刺史不得擅加賦役及於縣邑別立監徵所納田租委人戶自量自槩

周顯德三年十月宣三司指揮諸道州府今後夏稅以六月一日起徵秋稅至十月一日起徵永爲定制

五年七月詔曰朕以寰宇雖安烝民未泰當乙夜觀書之際校前賢阜俗之方近覽元稹長慶集見在同州時所上均田表較當時之利病曲盡其情俾一境之生靈咸受其賜傳於方冊可得披尋因令製素成圖直書其

事庶公王觀覽觸目警心利國便民無亂條制背經合道盡繫變通但要適宜所冀濟務繁乃勛舊共庇黎元今賜元稹所奏均田圖一面至可領也是時上將均定天下民租故先以均田圖遍賜諸侯其年十月賜諸道均田詔曰朕以干戈既弭寰海漸寧言念地征罕臻藝極須議並行均定所冀永適重輕卿受任方隅深窮治本必能副寡昧平分之意察鄉閭致弊之源明示條章用分寄任矧令集事允屬推公今差使臣往彼檢括餘從別敕乃命左散騎常侍于諸州檢定民租

雜錄

後唐長興元年三月十三日敕天下州府受納稗草每束納錢一文足一百束納拘子四莖充積年供使棗鍼一莖充稗場院其草併柴蒿一束納錢一文其納絹絕布綾羅每匹納錢一十二文足絲綿紬子麻皮等每一十兩納耗半兩鞋每量納錢一文足見錢每貫納七文足省庫收納上件前物元條流見錢每貫納二文足絲綿紬子每一百兩納耗一兩其諸色匹段並無加耗二年閏五月敕今後諸州府所納稗草每二十束別加

王代會要 卷二十五
耗一束充場司耗折其每束上舊納盤纏錢一文仰官
典同共繫豎一一分明上厯至納遺了絕已來公使不
得輒將出外

周廣順元年三月二十八日敕諸道州府牛皮今後犯
一張本犯人徒三年刺配重處色役本管節級所由杖
九十兩張以上本人處死本管節級所由徒二年半刺
配重處色役告事人賞錢五十千其人戶有牛死者其
本戶報告本地方所由節級鄰保人仰當日內同檢驗
過令本主畫時剝皮及申報本處官吏限十日內須送

納畢其筋骨不得墮落

二年十一月敕應天下人所納牛皮今將逐年所納數
三分內減收二分其一分子人戶苗畝上配定每秋夏
苗共十頃納連角牛皮一張其黃牛納乾筋四兩水牛
半斤犢特皮不在納限其皮人戶自詣本州送納所司
不得邀難所有牛馬驢騾皮筋骨今後官中更不禁斷
並許私家共使買賣祇不得將出化外敵疆仍仰關津
界首子細覺察捕捉所犯人必加深罪其州縣先置巡
檢牛皮節級及朝廷先降條法一切停廢

顯德三年五月敕應天下今後公私織造到絹帛紬布綾羅錦綺及諸色匹帛其幅尺斤兩並須合向來制度不得輕弱假偽罔冒取價如有物色以上等限一百日內並須破貨了絕如限外敢有違犯織造貨賣者仰所在節級所由擒捉送官其年十月敕舊制織紬絹布綾羅錦綺紗縠等幅闊二尺起來年後公私織造並須及二尺五分不得夾帶粉藥宜令諸道州府嚴切指揮來年所納官絹每匹須及一十二兩河北諸州並萊登沂密州須及一十二兩紬止要夾密停勻不定斤兩紬

紬絹長依舊四十二尺

四年二月六日敕節文諸道州府所管屬縣每年秋夏徵科了畢後多是卻追縣典上州會末文鈔因茲科配斂掠宜令今後秋夏徵科了足日仰本州府但取倉場庫務納欠文鈔如無異同不在更追官典諸道州府管內縣內鎮每有追攝公事自前多差衙前使院職員及散從步奏官今後如是常程追攝公事祇令府承受遞送不得更差專人若要切公事及軍期不在此限

五年六月四日敕諸道州府應有商賈興販牛畜不計黃牛水牛凡經過處並不得抽稅如是貨賣處祇仰據賣價每一千抽稅錢二十不得別有邀難

團貌

周顯德五年十月詔諸道州府令團併鄉村大率以百戶爲一團選三大戶爲耆長凡民家之有姦盜者三大戶察之民田之有耗登者三大戶均之仍每及三載卽一如是

帳籍

梁開平三年三月尙書戶部奏請詔天下州府準舊章申送戶口帳籍從之

晉天福九年八月敕天下諸州各以係省錢穀秋夏徵科爲帳籍一季一奏一年賦稅及限其藩侯郡守更委在任一年次年又不逋欠聽三周年爲滿三年皆辨別議遷陟

逃戶

後唐天成三年十二月十日殿中監李廷範奏請指揮諸道州府每逃戶歸業後委州司各與公憑二年內放

免兩稅差科如有違許州論許勘責若州縣官招得五百戶已上乞等第獎勵從之

長興三年七月二十七日敕應諸處凡有今年爲經水澇逃戶莊園屋舍桑棗一物已上並可指揮州縣散下鄉村委逐村節級鄰保人分明文簿各管見在不得輒令毀折房舍斬伐樹木及散失動使什物等候本戶歸業日卻依元數責令交付訖具無欠少罪結狀申本州縣如元數內稱有事欠少許歸業戶陳狀訴論所犯節級并鄉鄰保人等並科違敕之罪仍勒備償或至來年

春入務後有逃戶未歸者其桑土卽許鄰保人請佃供輸租稅種後本主歸來亦準上指揮至秋收後還之
周顯德二年正月二十五日敕應自前及今後有逃戶莊田許人請射承佃供納租稅如三周年內本戶來歸業者其桑土不以荒熟并莊田交還一半五周年內歸業者三分交還一分應已上承佃戶如是自出力別蓋造到屋舍及栽種到樹木園圃並不在交還之限如五周年外歸業者莊田除本戶墳塋外不在交付如有荒廢桑土承佃戶自來無力佃蒔祇仰交割與歸業人戶

佃蒔一近北諸州自契丹離亂鄉村人戶多被番軍打虜向北近來多有百姓自番界迴來其莊田已被別戶請射無處歸託今後如有五周年內其本主還來識認不以桑土荒熟并莊園三分中交還二分十周年內來者交還一半十五周年內來者三分中交還一分應上項承佃戶如是自出力別蓋造到屋舍及栽種到樹木園圃並不在給還之限如十五周年外歸業者其莊田除本戶墳塋外不在交還如有荒廢桑土承佃戶自來無力佃蒔祇仰交割與歸業人戶佃蒔一應有坐家破

逃人戶其戶下物業並許別戶陳告請射承佃供納租稅充爲永業不限年歲不在論認之限所有本戶及鄉村節級重行斷決一諸州應有冒佃逃戶物業不納租稅者其本戶歸業之時不計年限並許論認仰本縣立差人檢勘交割與本戶爲主如本戶不來歸業亦許別戶請射爲主所有冒佃人戶及本縣節級重行科斷如冒佃人戶自來陳首承認租稅者特與免罪一顯德二年正月二十五日已前應有逃戶拋下莊田自來全段無人承佃曾經省司指揮開闢租稅者宜令本州縣招

攜人戶歸業及許別戶請射為主與免一年差科色役至第二年已後據見在桑土及租蒔到見苗詣實供通輸納租稅

雜錄

後唐天成二年十二月三日敕率土黎甿並輸王稅逐年生計祇在春時深虞所在之方或有無知之者不自增修產業輒便攬擾鄉鄰既撓公門須嚴定制宜自今後凡關論認桑土二月後州縣不得受狀十月後閒方許論對仍令逐處官吏準前後條格據理斷割

周顯德四年十月敕起今後應有人論訴物業婚姻自十一月一日後許承狀至二月三十日權停自二月三十日已前如有陳訴至權停日公事未了絕者仰本處州縣亦與盡理勘逐須見定奪了絕其本處官吏如敢違慢並當重責其三月一日後至十月三十日已前如有婚田詞訟者州縣不得與理若是交相侵奪情理妨害不可停滯者不拘此例

奴婢

後唐同光二年二月敕應有百姓婦女俘虜他處爲婢

妾者不得占留一任骨肉識認
天成元年十月三日敕京城諸道若不是正口不得私
書契券輒使良人

周顯德五年七月新定刑統誘良口句引逃亡奴婢
與貨賣所資資裝者其誘句引之人伏請處死良口
奴婢並準格律處分如是居停主人元不是句引之人
請行重斷其或分受贓物至三匹已上者處死如有將
良口於番界貨賣者居停主人明知賣與番界不告官
者亦請處死

道路

後唐天成三年二月興元府奏修斜谷閣道二千八百
餘閒四月洋州奏重開入蜀舊路比今官道近二十五
驛五月夔州奏開新路至房州

長興二年八月敕準儀制令道路街巷賤避貴少避長
輕避重去避來宜令三京諸道州府各遍下縣鎮準舊
儀制于道路分明刻牌子要會坊門及諸橋柱曉示路
人委本界所由官司共加巡察有違犯者科違敕之罪
四年正月西京留守王思同進擬開駱谷路圖

上指山險謂侍

臣曰如此之險何以開通左右奏曰據興元關內兵戎交番及轉餉大散修開斜谷路迂迴校五百里如從駱谷自雍京直抵興元糧成稍便然此路險阻尤甚以此竭力開通將來霖雨亦煩修葺上僉勉從其奏竟無成止功而

五代會要卷二十五

五代會要卷二十六

街巷

宋

王

溥

撰

後唐同光二年八月勅在京應有空閒地任諸色人請射蓋造藩方侯伯內外臣僚於京邑之中無安居之所亦可請射各自修營其空閒有主之地仍限半年本主須自修葺如過限不見屋宇亦許他人占射其月勅諸道節度觀察防禦團練等使刺史出司土宇入覲朝廷將壯宸居須崇甲第宜於洛京修宅一區

長興二年六月八日據左右軍巡使奏諸廂界內多有
人戶侵占官街及坊曲內田地蓋造舍屋又不經官中
判押憑據廂界不敢懸便止絕切恐久後別有人戶更
於街坊占射轉有侵占不惟窄狹兼恐久後別有人戶
及致人戶爭競近日人戶係稅田地多被軍人百姓作
空閒田地便立封疆修築牆壁占射又無判押憑據及
本主或有文契典賣兼云占射年深或有稅額及無稅
空閒攔恡不令修葺以此致有爭競廂界難以止絕者
其在京諸坊曲應有空閒田地先降勅命許人戶請射

蓋造及見種蒔公私田地如是本主自有力便令蓋造
舍屋若無力卽許人請射修葺自後相次諸色人陳狀
委河南府勘逐如實是閒田及不侵占官街然後指揮
劈畫交付今所稱諸色人侵占街坊及於見有主稅地
內占射蓋造必慮有妨車牛過往及恐百姓互有爭論
須定規繩各令稟守京城應天街內有人戶見蓋造得
屋宇外此後並不得更有蓋造其諸坊巷道兩邊常須
通得車牛如有小小街巷亦須通得車馬來往此外並
不得輒有侵占應諸街坊通車牛外卽日或有越眾迴

然出頭牽蓋舍屋棚閣等並須畫時毀拆仍據摠截外具留街道闊狹尺丈一一分析申奏此後或更敢侵占不計多少宜委地分官司量罪科斷其街道內除水渠外不得穿掘取土若已有穿掘各勒逐地分人戶速速填平京城內諸坊曲除見定園林池亭外其餘種蒔及充菜園并空閒田地除本主量力自要修造外並許人收買見定已有居人諸坊曲內有空閒田地及種蒔并菜園等如是臨街堪蓋店處田地每一閒破明間七椽其每閒地價宜委河南府估價收買除堪蓋店外其餘

若是連店田地每畝宜定價錢七千更以次五千其未曾有蓋造處宜令御史臺兩街使河南府依已前街坊田地分筭畫出大街及逐坊界分各立坊門兼挂名額先定街巷闊狹尺丈後其坊內空閒及見種田苗并充菜園等田地亦據本主自要量力修蓋外並許諸色人收買修蓋舍屋地宅如是臨街堪蓋店處田地每一閒破明間七椽其每閒地價亦委河南府估價准前收買除堪蓋店外其餘連店田地每畝宜定價錢七千以次近外每畝五千更以次三千未有人買處且勒仍舊遠

僻處或欲置菜園任取穩便兼應本主所留諸色人置到田地等並限三箇月內修築蓋造須見次第仍不得兩處收買田地其地祇許修造宅院并其閒小小栽植竹木外不得廣作園圃及種植田苗仍令御史臺常加覺察如有故違仰具姓名申奏當行嚴斷其所置田地如是本主種田苗及見菜園候收刈及冬藏畢方許交割據交割日限後修蓋其已田地內所有苗稅等宜令據畝數出除其所買田地除本主自要修蓋外有合賣數目如妄託形勢輒有逗留分外邀頡固心占恡者許

買地人經臺論訴勘逐不虛所犯之人當行重斷其地仍准價例畫時交與所買之人其所買賣田地仍令御史臺委本處巡按御史旋旋給與公憑仍免稅契右宜令御史臺兩街使河南府專切依次第劈畫曉示或有利便亦可臨時詳奪奏聞其月勅京城坊市人戶菜園許人收買切慮本主占佃年多以鬻蔬爲業固多貧窶豈辦蓋造恐資豪猾轉傷貧民若是有力人戶及形勢職掌曹司等已有居地外於別處及連宅買菜園令人主把或典賃于人並准前勅價例出賣如貧窮之人買

得菜園自賣菜供衣食者卽等第特添價值仍賣者不
得多恡田土買者不得廣占田地各量事力須議修營
周顯德三年六月詔輦轂之下謂之浩穰萬國駿奔四
方繁會此地比爲藩翰近建京都人物喧闐閭巷隘陜
雨雪則有泥濘之患風旱則多火燭之憂每遇炎熱相
蒸易生疾疹近者開廣都邑展引街坊雖然暫勞終獲
大利朕自淮上迴及京師周覽康衢更思通濟千門萬
戶靡存安逸之心盛暑隆冬倍減燠寒之苦其京城內
街道闊五十步者許兩邊人戶各於五步內取便種樹

掘井修葺涼棚其三十步已下至二十五步者各與三
步其次有差

橋梁

晉天福六年二月置浮梁橋於德勝渡

關

梁開平元年七月勅建國遷都俾新其制況山河之險
表裏爲防今二京俱在關東爲內仍以潼關隸陝州復
置河潼軍使命虢州刺史兼領之其月勅改虎牢關爲
軍仍置虎牢關軍使

市

後唐天成元年十一月二十一日勅在京市肆凡是絲絹斛斗柴炭一物已上皆有牙人百姓將到物貨賣致時物騰貴百姓困窮今後宜令河南府一切禁斷如是產業人口畜乘須憑牙保此外並不得輒置仍委兩軍巡使覺察切加捉獲如違並當嚴斷

周廣順二年十二月開封府奏商賈及諸色人訴稱被牙人店主引領百姓賒買財貨違限不還甚亦有將物去後便與牙人設計公然隱沒又莊宅牙人亦多與有

物業人通情重疊將產宅立契典當或虛指別人產業及浮造屋舍僞稱祖父所置更有卑幼骨肉不問家長衷私典賣及將倚當取債或是骨肉物業自己不合有分倚彊凌弱公行典賣牙人錢主通同蒙昧致有爭訟起今後欲乞明降指揮應有諸色牙人店主人引致買賣並須錢物交相分付或還錢未足祇仰牙行人店主明立期限勒定文字遞相委保如數內有人前卻及違限別無抵當便仰連署契人同力填還如諸色人牙行人內有貧窮無信行者恐已後悞累卽卻眾狀集出如

是客旅自與人商量交易其店主人牙行人並不得邀難遮占稱須依行店事例引致如有此色人亦加深罪其有典質倚當物業仰官牙人業主及四鄰同署文契委不是曾將物業印稅之時于稅務內納契白一本務司點檢須有官牙人鄰人押署處及委不是重疊倚當方得與印如有故違關連人押行科斷仍徵還錢物如業主別無抵當仰同署契行保鄰人均分代納如是卑幼不問家長便將物業典賣倚當或雖是骨肉物色自己不合有分輒敢典賣倚當者所犯人重行科斷其牙

人錢主並當深罪所有物業請准格律指揮如有典賣莊宅准例房親鄰人合得承當若是親人不要及著價不及方得別處商量不得虛擡價例蒙昧公私有發覺一任親人論理勘責不虛業主牙保人並行重斷仍改正物業或親鄰人不收買妄有遮悞阻滯交易者亦當深罪從之

城郭

後唐天成元年四月勅京都之內古無郡城本朝多事已來諸侯握兵自保張全義土功斯設李罕之砦地猶

存時已擴清固宜除剗若特差夫役又恐擾人宜令河南府先分劈出舊日街巷其城壕許占射平墘便任葢屋宇其城基內舊有巷道處便爲巷道不得因循妄有侵射仍請射後限一月如無力平剗許有力人戶占射平墘

周廣順二年正月詔開封府修補京師羅城率畿內丁夫五萬五千版築旬日而罷

顯德二年四月詔曰惟王建國實曰京師度地居民固有前則東京華夷輻輳水陸會通時向隆平日增繁盛而都城因舊制度未恢諸衛軍營或多窄狹百司公署無處興修加以坊市之中邸店有限工商外至絡繹無窮僦賃之資增添不定貧乏之戶供辦實難而又屋宇交連街衢湫隘入夏有暑濕之苦居常多烟火之憂將便公私須廣都邑宜令所司於京城四面別築羅城先立標識候將來冬末春初農務閒時卽量差近甸人夫漸次修築春作纔動便令放散或土功未畢卽次年修築今後凡有營葬及興窰竈并草市並須去標識七里外其標識內候官中劈畫定軍營街巷倉場諸司公廨

院務了即任百姓營造

至三年正月發畿內及滑曹鄭之丁夫十餘萬築新羅城仍使

曹州節度使韓通都部署夫役

館驛

晉天福五年九月改東京上源驛為都亭驛

周廣順二年十二月勅諸道所差知管驛人不得於州

縣別差人戶貼助致擾貧民

顯德四年四月改赤倉驛為通吳驛

初世宗始議圖南命于赤倉置驛至

是以其名識之

五年五月以城東新驛為懷信驛

待江南二使也

鹽

後唐同光三年二月勅魏府每年所徵隨絲鹽錢每兩

與減放五文逐年俵賣蠶鹽食鹽大鹽甜次冷鹽每斗

與減五十樂鹽與減三十

天成元年四月勅諸州府百姓合散蠶鹽今後每年祇

二月內一度俵散依夏稅限納錢

晉天福元年十一月赦節文洛京管內逐年所配人戶

食鹽起來年每斗減放十文

七年十一月宣旨下三司應有往來鹽貨悉稅之過稅

每斤七文住稅每斤十文其諸道應有係屬州府鹽務

並令省司差人句當先是諸州府除俵散蠶鹽徵錢外每年未鹽界分場務約羅錢一十

七萬貫有餘言事者稱雖得此錢百姓多犯鹽法請將上件食鹽錢于諸道州府計戶每戶一貫至二百為五等配之然後任人逐便與販既不虧官又益百姓朝廷行之諸處場務且仍舊俄而鹽貨頓賤去出鹽遠處州縣每斤不過二十文近處不過一十文掌事者又難驟改其法奏請重置稅焉蓋欲絕其與販歸利于官場院糶鹽雖多人戶鹽錢又不放免民甚苦之

周廣順二年三月勅青白池務素有定規祇自近年頗

乖循守比來青鹽一石抽稅錢八百鹽一斗白鹽一石

抽稅錢五百鹽五升訪聞改法以來不便商販宜令慶

州權鹽務今後每青鹽一石依舊抽稅八百八十五陌

鹽一斗白鹽一石抽稅錢五百八十五陌鹽五升此外

更不得別有邀求青白鹽池在鹽州北唐朝元管四池曰烏池白池瓦窰池紐頂池今出稅

置吏惟有青白二池

三年十二月勅諸州府并外縣鎮城內其居人屋稅鹽

今後不俵其鹽錢亦不徵納所有鄉村人戶合請蠶鹽

所在州縣城鎮嚴切檢校不得放入城門

顯德元年十二月上謂侍臣曰朕覽食末鹽州郡犯私

鹽多於顆鹽界分蓋卑溼之地易於刮鹹煎造豈惟違

我榷法兼又污我好鹽況末鹽煎煉般運費用倍于顆鹽今宜分割十餘州令食顆鹽不惟輦運省力兼亦少人犯禁自是曹宋已西十餘州皆食顆鹽

三年十月勅漳河已北州府管界元是官場糶鹽今後除城郭草市內仍舊禁法其鄉村並不有鹽貨通商逐處有鹹鹵之地一任人戶煎煉興販則不得踰越漳河入不通商界

麴

梁開平三年十一月勅聽諸道州府百姓自造麴官中

不禁

後唐天成三年七月十三日勅應三京鄴都諸道州府鄉村人戶自今年七月後于是秋田苗上每畝納麴錢五文足陌一任百姓造麴醞酒供家其錢隨夏秋徵納並不折色其京都及諸道州府縣鎮坊界及關城草市內應逐年買官麴酒戶便許自造麴醞酒貨賣仍取天成二年正月至年終一年逐戶計算都買麴錢數內十分祇納二分以充榷酒錢便從今年七月後管數徵納榷酒戶外其餘諸色人亦許私造酒麴供家卽不得衷

五什會要 卷二十六
私賣酒如有故違便仰糾察勒依中等酒戶納權其坊
村一任沽賣不在納權之限其麴勅命到後任便踏造
如賣麴酒戶中有去年曾買官麴今年因事不便買麴
任開店者則與出落如覩新勅有情願開店投權者則
不計舊戶新戶便令依見納錢等戶例出權此後酒戶
中有無力開店賣酒者亦許隨處陳狀其舊納錢並宜
停廢應諸處麴務亦仰十分減八分價錢出賣不得更
請官本踏造

長興元年二月赦節文諸道州府人戶每秋苗一畝上

元徵麴錢五文今後特放二文祇徵三文

二年五月勅應三京諸道州府苗畝上所徵麴錢便從
今年夏並放其麴官中自造委逐州減舊價一半於在
城撲斷貨賣除在城居人不得私造外鄉村人戶或要
供家一任自造勅既下人甚便之其年七月三司奏諸
道州府申論先有勅命許百姓造麴不來官場收買伏
慮課額不追請准前麴法鄉村百姓與在城條法一例
指揮從之仍據百姓已造到麴務令送納入官量支還
麥本

周顯德四年七月勅諸道州府麴務今後一依往例官中禁法賣麴逐處先置都務處候勅到日並仰停罷據見在麴數準備貨賣兼據年計合使麴數依時踏造候人戶將到價錢據數給麴不得賒賣抑配於人其外酒場務一切仍舊應鄉村人戶今後並許自造米醋及買糟造醋供食仍許于本州縣界就精美處酤賣其酒麴條法依舊施行

先是晉漢已來諸道州府皆推計麴額置都務以沽酒民間酒醋皆薄上知其弊故命改法

鐵

後唐長興二年十二月勅今後不計農器燒器動使諸物並許百姓逐便自鑄造諸道監冶除當年定數鑄辦供軍熟鐵并器物外祇管出生鐵比已前價各隨逐處見定高低每斤一例減十文貨賣雜使熟鐵亦任百姓自煉巡檢節級旬當賣鐵場官併鋪戶一切並廢鄉村百姓祇於係省夏秋苗畝上納農器錢一文五分足隨夏秋稅二時送納

晉天福六年八月赦節文諸道鐵冶三司先條流百姓農具破者須於官場中賣鑄時卻于官場中買鐵今後

並許百姓取便鑄造買賣所在場院不得禁止攪擾

鹽鐵雜條上

後唐長興四年五月七日諸道鹽鐵轉運使奏諸道州府鹽法條流元末一槩定奪謹具如後應食顆鹽州府省司各置權糶折博場院應是鄉村並通私商興販所有折博並每年人戶蠶鹽並不許將帶一斤一兩入城侵奪權糶課利如違犯者一兩已上至一斤買賣人各杖六十一斤已上至三斤買賣人各杖七十三斤已上至五斤買賣人各杖八十五斤已上至十斤買賣人各

徒二年十斤已上不計多少買賣人各決脊杖二十處死所有犯鹽人隨行錢物騾畜等並納入官所有元本家業莊田如是全家逃走者卽行點納仍許般載腳戶經過店主并腳下人力等糾告等第支與優給如知情不告與賣鹽人同罪其犯鹽人經過處地分門司廂界巡檢節級所由并諸色關連人等不專覺察委本州臨時斷訖報省如是門司關津口鋪捉獲私鹽卽依下項等第支給一半賞錢一十斤已上至五十斤支賞錢二十千五十斤已上至一百斤支賞錢三十千一百斤已

上支賞錢五十千應食末鹽地界州府縣鎮並有權糶場院久來內外禁法即未一概條流應刮鹹煎鹽不計多少斤兩並處極法并許四鄰及諸色人等陳告等第支給賞錢欲指揮此後犯一兩已上至一斤買賣人等各杖六十一斤已上至二斤買賣人等各杖七十二斤已上至三斤買賣人各徒一年三斤已上至五斤買賣人各徒二年五斤已上買賣人各決脊杖處死如是收到鹹土鹽水即委本處煎煉鹽數准條科斷或有已會違犯不至死刑經斷後公然不懼條流再犯者不計斤

兩多少所犯人並處極法其權糶場院員僚節級人力煎鹽池客竈戶般鹽船綱押綱軍將衙官梢工等具知鹽法如有公然偷盜官鹽或將貨賣其買賣人及過鹽主人知情不告並依前項刮鹹例五斤已上處死其諸色關連人等並合支賞錢即准洛京邢鎮條流事例指揮顛末青白等鹽元不許界分參雜其顛鹽先許通商之時指揮不得將帶入末鹽地界如有違犯一斤一兩並處極法所有隨行物色除鹽外一半納官一半與捉事人充賞其餘鹽色未有畫一條流其洛京并鎮定邢

五化會要 卷二十六
州管內多有北京末鹽入界捉獲並依洛京條流科斷
欲指揮此後但是顆末青白諸色鹽侵界參雜捉獲並
淮洛京條流施行慶州青白權稅院元有透稅條流所
有隨行驢畜物色一半支與捉事人充賞其餘一半并
鹽並納入官欲並且依舊一斗已上至三斗杖七十三
斗已上至五斗徒一年五斗已上處死安邑解縣兩池
權鹽院河中府節度使兼判之時申到畫一事件條流
等准勅牒兩池所出鹽舊日苦無文榜如擅將一斤一
兩准元勅條並處極法其犯鹽人應有錢物並與捉事

人充賞者竊以兩池禁棘峻阻不通人行四面各置場
門弓射分劈鹽池地分居住並在棘圍裏面更不別有
差遣祇令巡護鹽池如此後有人偷盜官鹽一斤一兩
出池其犯鹽人並准元勅條流處分應有隨行錢物並
納入官其捉事人依下項定支優給若是巡檢弓射池
場門子自不專切巡察致有透漏到棘圍外被別人捉
獲及有糾告兼同行反告官中更不坐罪陳告人亦依
捉事人支賞應有知情偷盜官鹽之人亦依犯鹽人一
例處斷其不知情關連人臨時酌情定罪所有透漏地

分弓射及池場門子如是透漏出鹽二十斤已下徒一
年半一十斤已上至二十斤支賞錢一十千二十斤已
上至五十斤支賞錢二十千五十斤已上至一百斤支
賞錢三十千一百斤已上支賞錢五十千前項所定奪
到鹽法條流其應屬州府捉獲抵犯之人便委本州府
檢條流科斷訖申奏別報省司其屬省院捉到犯鹽之
人干死刑者卽勘情罪由犯申上候省司指揮不至極
刑者便委務司准條流決放訖申報從之

